

- 424 -

Na osnovu člana 25. 27. i 28. Zakona o budžetima/proračunima u Federaciji Bosne i Hercegovine („Službene novine Federacije BiH“, broj: 19/06, 76/08, 5/09 i 32/09), člana 2. Zakona o trezoru u Federaciji Bosne i Hercegovine („Službene novine Federacije BiH“, broj 19/03 i 79/07) i člana 25. Statuta općine Zavidovići („Službeni glasnik općine Zavidovići“ broj 5/08 i 5a/08), Općinsko vijeće na 34. sjednici održanoj dana 31.05.2011.godine, donosi

O D L U K U

o uspostavi registra budžetskih/proračunskih korisnika Općine Zavidovići

Član 1.

Ovom Odlukom utvrđuje se način uspostave Registra budžetskih korisnika, kriterij za definiranje budžetskih korisnika, način upisa u Registar budžetskih korisnika, način brisanja iz Registra budžetskih korisnika, obavezni elementi registra, obaveze i odgovornosti za vođenje Registra budžetskih korisnika.

Član 2.

Registar budžetskih korisnika uspostavlja se u Službi za upravu ekonomskih poslova i poduzetništvo koja je obavezna da isti sačini, vodi i ažurira.

Služba za upravu ekonomskih poslova i poduzetništvo odgovorna je za uspostavu registra, kao i ispravnost, ažurnost i tačnost svih podataka unesenih u Registar.

Član 3.

Osnovni kriterij za definisanje budžetskih korisnika su odluke o organizaciji i djelokrugu općinskih organa uprave.

Budžetski korisnici su:

1. Služba za upravu ekonomskih poslova i poduzetništvo,
2. Služba za upravu geodetskih, imovinsko-pravnih poslova i urbanizma,
3. Služba za upravu društvenih djelatnosti i opću upravu,
4. Služba za upravu pitanja boraca, raseljenih lica i izbjeglica,
5. Služba za upravu civilne zaštite,
6. Kabinet Općinskog načelnika,
7. Stručna služba Općinskog vijeća,
8. Služba za upravu poljoprivrede, vodoprivrede i komunalnih poslova,
9. Općinsko pravobranilaštvo.

Član 4.

Budžetski korisnici su organi čijim sredstvima raspolaže rukovodilac Jedinственог Općinskog organa uprave i posebnih službi Općine Zavidovići, Općinski načelnik.

Član 5.

Budžetski korisnici ne mogu biti udruženja, nevladine neprofitne organizacije, političke partije i stranke.

- 425 -

Član 6.

Upis u registrar budžetskih korisnika vrši Služba za upravu ekonomskih poslova i poduzetništvo.

Član 7.

Registar budžetskih korisnika sadrži slijedeće osnovne elemente:

1. redni broj budžetskog korisnika,
2. organizacioni kod ili šifru budžetskog/proračunskog korisnika,
3. naziv budžetskog korisnika,
4. sjedište budžetskog korisnika,
5. funkcionalne kodove (šifre funkcija koje obavlja),
6. fondovske kodove (šifru izvora sredstava)
7. Organizacioni kod podorganizacionih jedinica ukoliko ih ima
8. Funkciju, ime i prezime lica koje raspolaže finansijskim sredstvima budžetskog korisnika,
9. datum ažuriranja podataka.

Član 8.

Brisanje iz Registra, upis novih budžetskih korisnika, kao i sve druge promjene vrše se na osnovu odluka Općinskog vijeća Zavidovići.

Član 9.

Rok za uspostavu Registra budžetskih korisnika je 60 (šezdeset) dana od dana stupanja na snagu ove Odluke.

Član 10.

Za realizaciju ove Odluke zadužuje se Općinski načelnik i Služba za upravu ekonomskih poslova i poduzetništvo.

Član 11.

Ova Odluka stupa na snagu narednog dana od dana objavljivanja u "Službenom glasniku općine Zavidovići".

OPĆINA ZAVIDOVIĆI
- OPĆINSKO VIJEĆE -

Broj: 01-14-2227/11
Datum, 31.05.2011.godine

(M.P.)

PREDSJEDAVAJUĆI
OPĆINSKOG VIJEĆA

ing.Radosav Petrović, s.r.

